

NOBILI ET EXIMIO ADOLESCENTI
NICOLAO DURETO
MICHAEL SEGVYN S. D.



NON potui nominis auspicii præsidium optare quàm tui (Adolescens nobilissime) in ea potissimum arena, in qua avus tuus olim, patrèque tuus certamine pari totius caueæ plausum meruerunt: uterque merito deinde suo ad eam prouecti celebritatem, ut Dureti nomen non iam doctissimorum medicorum, sed ipsius AEsculapij nomen esse videatur. Quod si quis etiam in eiusmodi nuncupatione cultus ac honos testatus relinquitur, certè nomen spectare non debui aliud, siue clarissimi patris tui in nos beneficia recorder, siue tuam, quæ paternæ succrescit, benevolentiam. Oblivisci nefas quod ille, cum Medicinam è regio pulpito multos per annos maximâ auditorum frequentia professus patris quoque sui laudem exequasset, tandem emeritus, honorificæ illi prouinciæ patrem meum successorem esse voluerit, atque, Ut gerit incoctum generoso pectus honesto, non hodiernis moribus, sed ex veteri militiæ formula, vir virum legerit. Gloriosum nobis fuit tanti viri iudicio ad hoc regium munus destinari: gloriosum illi quod verè munus esse voluerit, & stipendius regis gratuita beneficentiâ amicum hominem amicitie ergò subrogarit. Tam insignis gratiæ monimentum transibit ad hæredes, & partem quoque tuam iure tuo repetes. Tu inquam (Adolescens nobilissime) quem avitarum paternarumque virtutum heredem fore omnes coniungunt, qui indolem norunt tuam, velocemque rerum ante pilos prudentiam. Quò & minus mirum videri debet, si & hos tecum sermones per epistolam contulerim, & hæc tibi medica theorematà nostri pignus amoris obtulerim. Sic neque puduit olim legatos à rege Persarum missos cum Alexandro Macedone de rebus seriis colloqui, miratos magnopere quod nihil puerile aut abiectum saperet, sed & de locorum situ percunctaretur & intercapedine, deque rege ipso Persarum, quibus esset aduersus hostes instructus copius, quid consilio posset, quid manu. Nempe ut aquileges ex sublati humo manè vaporibus delitescens intus scaturiginem deprehendunt: sic & qualis prouectior ætas futura sit, prima ferè infantia indicat. Tu quidem (Adolescens nobilissime) iam nunc magnam de te expectationem præbes Iulo Virgiliano simillimus, Ante annos animûmque gerens curamque virilem. Faxit Deus ut, spe tanta paulatim maturecente, fructus virtutis tuæ uberrimi parentum aliquando canitiem consolentur. Vale, & me ama, ut facis.

AD CARDINALITIAM

QVÆSTIO MEDICA, MATVTINIS CONCERTATIONIBVS

DISCVTIENDA IN SCHOLIS MEDICORVM, DIE IOVIS VLTIMA APRIL.

MAGISTRO NICOLAO ELLAIN DÔCTORE MEDICO, MODERATORE.

Utrum in acutis raro purgandum?

ADEM est ratio contrariorum. Naturæ actionum destructio morbus, qualitatum pessima, iisdem profligatur modis, quibus benefica sanitas earumdem perfectrix facta recta tenetur; eorum videlicet, quæ in corpore continenter partim exuperant detractio, partim deficiunt adiectione. Quamquam sanitatis conseruatio similium vsu dirigitur; morbi verò duellum contrariis æqualibus dirimitur. Vt autem sanitate fruētibus succi laudabilis & in eorum naturam mutabilis copia, excrementique paucitas inest, ægotantibus contrà: sicut illis *πλεονεξία* elucet ad rerum consocialium assimilationem, in his *πενυρία* ad contrariarum exitui destinatarum alterationem exoptatur. Nunquam crudis humoribus Natura morborum Medica sese salutariter exonerat; propterea Medicus illius minister & imitator crudorum excretionem arte tentare non debet.

VRANDI ratio quidem omnis alieni humoris vacatione & corporis è natura egressi redintegratione absoluitur; sed humorem cathartico, praua ventibus diata laborioso, sanis atque euectis tutum sanitatis apicem adeptis, etiam damnofo, expurgandum ante mouere nefas quàm mitificatus fuerit: ni quasi furore percitus atque ferociens huc illuc tumultuariè excurrat, parti cuiuspiam principi non sine vitæ discrimine ruinam & exitum minitans, quod ubi contigerit *ἀνέλεσθαι* foras eliminandus. Incuntibus morbis cum infirma sint omnia, si quid educendum videtur, educ; vigentibus cum vehementissima, quiescere satius est. Tò *συνέλεσθαι* purgationis *κατὰ* Medicis methodo additis ex pepasmo in diuturnis & orgasmo in acutis depromitur.

NIMVERO in acutis, quantumuis celeriter, continenter & vehementer sua percurrant tempora (percurrunt autem omnia morbi salutare, non item funesti) rarus fit humoris efferi de parte in partem transcursus. Phrenitis ex cerebri bile per fusi inflammatione, cum alba & pellucida vrina lethalis, cum insomniorum perspicuitate *διέληπτος*; Lethargus pituitæ putris cerebrum velut inebriantis soboles, à febre inseparabilis, post phrenitidem insuperabilis: Angina triplex genus ex laryngis & faucium phlegmone, vnde cita mors venit aut victoria læta: *Σταφυλή*, cuius periculosa resectio est: Pleuritis, sinistra deterior, sicca grauissima, in ructu acido rara: Peripneumonia, quæ si succedanea, grauior est primigeniâ: denique hepatis & vesicæ inflammationes acuti morbi perhibentur, quorum *ὁ παρὶς* in humore partibus intimis affixo non fluente nedum furente posita est. Acutarum & ardentium febrium liquida materia faciliè *μεταπίπτει*, vix orgasmum habere potest vas conclusa & reliquis humoribus confusa.

DVOBVS magnis magnorum morborum remediis, phlebotomia purgatione prius, tutius, generalius, vnicum est acutorum curationis *ἀρεσκυμένη*, inchoatam à concitata fluxione systrophen reprimat, oppressionem exoluit, temperamenti atque complexionis symmetriam reducit. Pueris, senibus, grauidis, vacuis, An etiam fluentibus mensibus? Luna silente, plena; noctu, interdii; neglectis Astrologorum placitis, pro morbi magnitudine & virium modulo, interdum ad animi deliquium vtiliter decernetur: cui purgationis vicarium Enema & præmiti & subiungi commodè potest. Atque his cum tenui & exquisito victu ad statum vsque ineunda curatio. Ast vbi sese criseos tempestas efferet, à rebus agendis Medicus abstinebit, naturæ totum relinquet negotium, quod si illa confecerit, & ad exitum perduxerit, pacifica sanitas postliminio reuertitur; sin defecta crisis fuerit, cacochymia superstitis reliquæ relapsum alioqui facturæ commoda purgatione exigentur.

ÆTERVM pharmacia, humoris qualitate molesti per catharticum vacuatio, quod natura vergit & humor, viis vtiliter eò ferentibus molienda: hyeme per inferiora potiùs, æstate per superiora: sed tabidi, quibus & ver & autumnus malum, nunquam vomitione purgandi. An somnus *ὑπνός* remedium assumpto pharmaco concedendus? Cathartici genus cacochymie species indicabit, non enim quoduis æqualiter omnes humores prolicet, nec ante vacationem eosdem generat immutât, sed sibi duntaxat familiares trahit (non calore, non vacui fugâ, nec similitudine temperamenti, sed substantiæ, qua partes cognatum alimentum de massa sanguinis alliciunt) biliosos *χοληρὰ* vt siliqua ægyptia & rheum barbarû, pituitosos *φλεγματώδη* vt agaricus, melancholicos *μελαγχολικὰ* vt fena, serosos *σφοδρωτά* vt rolarum pallidarum syrupus. Quibus omnium ex omni corporis parte humorum expurgationi satisfieri poterit; huic autem nullus in acutis, nisi materia turgeat, vel à crisi superfit, adhibitôque prius maturo iudicio locus esse potest.

Ergo in acutis raro purgandum.

Asserebat MICHAEL SEGVYN Parisinus. A. R. S. M. DC. XV.

